



Broj: 04/5-50-134-11/16
Sarajevo, 23.10.2016.

PREDMET: Informacija sa 93. Rose-Roth seminaru Parlamentarne skupštine NATO-a, održanog u Prištini, Kosovo, od 20.10. do 22.10.2016.

Na 93. Rose-Roth seminaru, koji je održan u Prištini, Kosovo, u periodu 20-22.10.2016. učestvovali su: Nikola Lovrinović, predsjedavajući Delegacije Parlamentarne skupštine BiH u Parlamentarnoj skupštini NATO-a i Asim Sarajlić, član Delegacije.

Seminar je organizovan s ciljem sagledavanja stanja te procjenama i potvrđivanju euroatlantske perspektive Kosova. Razgovano je o eurointegracijskim i drugim reformskim procesima, s posebnim akcentom na reformu sigurnosnog sektora. Razmijenjena su mišljenja o aktuelnom stanju na Kosovu i utjecaju tog stanja na region Zapadnog Balkana kao i iznalaženju rješenja koja će u cjelini utjecati na unapređenje bilateralne i regionalne saradnje.

Razgovarano je o tokovima reformskih procesa i agendi koji vode Kosovo i region ka europskim i euroatlantskim integracijama gdje su predstavnici institucija Kosova, međunarodnih organizacija, akademske zajednice i nevladinog sektora iznijeli svoje viđenje stanja i prijedloge za unapređenje stanja i uklanjanje barijera koji otežavaju komuniciranje država i građana regiona.

Hashim Tachi (Hasim Taci), predsjednik Kosova, Kadri Veseli, predsjednik Skupštine Kosova i Isa Mustafa, predsjednik Vlade Kosova su se pored ostalih zvaničnika zakonodavne i izvršne vlasti Kosova obratili učesnicima seminaru te su tom prilikom iznijeli svoje viđenje aktuelnog političkog, privrednog i sigurnosnog stanja na Kosovu. U njihovim izlaganjima preovladao je duh optimizma i želja da se što prije i Kosovo i region jugoistočne Evrope integriše u europsku i euroatlantsku zajednicu zemalja.

Posebno su se osvrnuli na aktuelni trenutak u dijalogu Prištine i Beograda izražavajući uvjerenje da se odvija u dobrom smjeru. Nedvosmisleno su ponovili opredjeljenje za dijalog, saradnju sa susjedima, vladavinu prava i želju da zemlje Zapadnog Balkana svoje mjesto nađu u europskoj zajednici zemalja.

Posebno intresantna rasprava je održana u sklopu panela na kojem su o aktuelnom stanju privrednih odnosa Srbije i Kosova govorili čelni ljudi privrednih komora. Stalni rast trgovinske razmjene je pokazatelj koji najilustrativnije govori o stupnju liberaliziranja trgovinske razmjene dvije zemlje.

O budućnosti NATO na Kosovu i regionu zapadnog Balkana govorili su general major Giovanni Funko, komandant NATO snaga na Kosovu (KFOR), Greg Delawie, ambasador SAD na Kosovu te general major Dietmar Mosmann, direktor NATO savjetodavnog tima na Kosovu.

Ministar Sigurnosnih snaga Kosova Haki Demolli, Ganimete Musliu, predsjedavajuća Odbora za unutrašnje poslove i sigurnost Skupštine Kosova te predstavnica Ženevskog DCAF-a prezentirali su aktuelno stanje i rezultate reformi sigurnosnog sektora, mehanizme parlamentarnog nadzora tog

sektora te jasno opredjeljenje kosovskih institucija za ubrzanje puta Kosova ka NATO i Europskoj uniji.

Razmijenjena su mišljenja o tokovima privredne saradnje, borbi protiv svih oblika radikalizma i ekstremizma te migracionim tokovima u regionu zapadnog Balkana.

Inače, tokom 93. Rose Roth seminara vrlo jasno je izraženo opredjeljenje zvaničnika Kosova u dostizanju ciljeva i rezultata koji će ih voditi ka NATO i Europskoj uniji. Izraženo je opredjeljenje za dijalog, posebno dijalog Prištine i Beograda koji za njih nema alternativu. Predstavnici vlasti Kosova očekuju liberalizaciju viznog režima sa zemljama EU te otklanjanje prepreka koji sprečavaju gradjanje Kosova da putuju u neke zemlje u regionu zapadnog Balkana, ne prejudicirajući time ništa drugo osim olakšica koji će poboljšati međusobno komuniciranje građana.

Primijećeno je da službenih predstavnika iz Republike Srbije nije bilo na ovom seminaru.

Informaciju sastavio:

Željko Grubešić

PREDSJEDAVAJUĆI DELEGACIJE
Nikola Lovrinović